

- (iv) Kemudahan dalaman dan kerja-kerja pakar
- (v) Kerja-kerja luar termasuk pengukuran tapak bina dan penyelidikan tapak bina dan tanah (sekiranya kedua-duanya dikendalikan oleh Juruukur Tanah berlesen dan firma perunding pakar), sumbangan kepada Tenaga Nasional Berhad, Telekom Malaysia, Pihak Berkuasa Bekalan Air dan Pembentungan, kelulusan pembangunan mengikut kehendak Pihak Berkuasa Tempatan (sekiranya perlu) di mana projek ini hendak dilaksanakan
- (vi) Peruntukan turun naik harga.
- (vii) Iklan dan kos dokumentasi
- (viii) Penyeliaan (contohnya, pelantikan pihak ketiga seperti *independent checker*)
- (x) Peruntukan bagi perkara-perkara luar jangka
- (x) Bayaran ikhtisas sekiranya perkhidmatan perunding digunakan.

4.4.2 Cabutan Butir-butir Tender (As Tendered Detailed Abstract - ATDA)

Cabutan Butir-butir Tender disedia berdasarkan harga kontrak. Cabutan ini menunjukkan pecahan harga kontrak dan jumlah peruntukan yang diperlukan. Cabutan ini juga digunakan oleh Kementerian/Jabatan Pelanggan sebelum kerja-kerja pembinaan boleh dimulakan di tapak bina. Cabutan Butir-butir Tender adalah seperti ditunjukkan di Lampiran 4D.